

蕪湖縣志卷五十八

雜識

遺事

紹興五年春江西安撫司將官林應祉部豫章米綱往金陵抵蕪湖內一舟最大載千斛夜忽水湧如漏舟人無計林具衣冠謁龍祠禱應祉以貧為此役今若此何力可償勢須盡徙出又非倉卒可辦舟有七倉輒用甲乙次第下七闔以上所向願神昭報遂得第二闔未及搬運漏忽自止後三日至采石復漏乃集衆如神卜起第二倉空見底板脫一節有一小魚當漏處帖帖如遮護然已腐矣蓋前漏止正以魚故神之賜大矣哉所謁龍祠今亦不識何在

張月窟桂馨元末隱居天城湖濱後以湖水泛溢紅巾倡亂又遷行春圩躬耕養志明高帝渡江製善慶里以旌美之嘗推九章算法擴而為折

祖法頗便於人

奚文縉字國雲少孤業儒雅志窮搜延四十不一售遂絕意名場去而學
賈貲盡北遊策蹇獨入西山過碧雲諸寺多題詠南轅後欲再北會阻
兵烽乃止嘗自號談文天放以所居近談文渡相傳新安朱晦翁講學
曾經此渡後人追慕遂以為名大儒名賢為世引重即涉傳會亦彝好
之在人心矣

方省齋即沂夢己酉秋偶寓邗江一夕夢入蕭尺木齋頭盡出其易存字
學韻譜諸書依次手授情境與生時不類既覺大異之紀其事於簡末
且與諸同人言及不三日凶問至蓋其生平服膺及於化去猶精英相
感如此

鄧孔昭嘗旅寓吳城從者他出寅夜有私奔者拒之不可大呼主人起奔
者遂逸及主至以室有狐魅告相與聚談達旦從者返即行

韓治人年五旬始舉子偶出外嬉戲為鄰家子捶撻幾死治人但延醫調治他無所問人咸怪之乃曰彼亦孤子何必與較有眷屬生女棄諸野治人攜歸撫養及長還其父母後適里人富族屢招之不一去飽以多金亦不納

陳香士應頌瀟灑出塵耽經史不求榮進避城市囂遠居郭外有營灌軒蓋以抱甕自寓與湯巖夫方省齋諸隱淪交最契潘伯華嘗贈以詩云澤癯老人煙霞趣山靈延向山中住孤藤曳月夜聽泉短榻坐花春選樹胸中浩浩渾元氣幾縷閒雲想高寄揮手弄作雷風吟浸髮書成擘窠字芙蓉繞門一池水脈脈青松浮影起老人就看卻一笑照見澤癯影如此語殊盡致

湯巖夫徐程叔並僑客蕪陰施愚山有寓書湯處士未發湯書適至詩冬殘惜別又春歸溪漲通潮到石扉花落不知為客苦書成卻恨寄人稀

滄江生事隨鞦鼓白髮心期見布衣
重使東風相問訊幾多薇長楮山
磯又答徐七程叔蕪江見寄詩落盡桃花尚客居
春風莫遣鬢毛疏比鄰高士能開徑指巖隔浦青山對讀書
野岸芹泥香燕子江洲蘆筍膾豚魚扁舟共醉知何日
愁見停雲覆草廬讀二詩風流宛在

唐黃龔字田卿權蕪關游從多文士施愚山有懷唐田卿兼囑訊陳伯璣
詩司農飛蓋去江津惜別殘冬又早春牛渚蟪蛄時騁望眠鷗浴鷺坐
相親詩從湖海多清思官近鄉關狎故人旅食肯憐詞賦客南州孺子
豈長貧

沈崑銅死金陵骸骨瘞雨花臺後西首平岡之麓地窪下土盡砂礫不能
無陵夷之患良可慨也其妻妻三人殉節葬邑之范羅山前觀察張士
範嘉其烈捐廉俸壘石封其壠建豐碑表之今邑人觀感興起羣走金
陵亦以崑銅冢封以石俾得不朽於長干木末間梓里好義之風為不

可沒矣

汪一龍字正田明萬曆間人精岐黃由休寧遷居蕪湖西門外大街創立
正田藥店字號永春垂二百餘年凡九世皆同居慎選藥材虔製丸散
四方爭購之對症取服應效神速每外藩入貢者多取道於蕪市藥而
歸六世孫元均隸蕪籍登辛酉賢書知廣西修仁縣事詳文學傳其裔
多列庠序有聲邑人咸稱正田誠慈濟世之報裔孫步廷繼志世其業
曾孝寬字令綽泉州晉江人魯國公公亮子以廕知桐城縣遷知咸平縣
民詣府訴雨傷稼府以妄杖之孝寬躬蒞田辨其實得蠲賦除祕閣修
撰提點開封府界熙寧五年遷樞密都承旨承旨用文臣自孝寬始尋
以端明殿學士知河陽徙鄆鄆有孟子廟孝寬請於朝得封鄆國公配
享孔子連徙鎮以吏部尚書召道卒贈右光祿大夫宋史本傳所載如
此而不載為蕪湖令蕪舊志載於職官志或史氏畧也茲備錄本傳俾

免墨漏

蕭尺木太白樓畫壁事已見本傳按胡季瀛守太平日慕蕪湖蕭尺木能畫三訪俱辭不見胡怒時新修采石磯太白樓成遂於案牘中入蕭名攝之至即送入樓令曰畫壁成當釋汝尺木生萬曆間至是已年七十餘方抱病不得已為畫匡廬峨眉泰岱衡岳四大名山凡七日而就遂絕筆登斯樓者咸歎賞不置畫與樓俱傳矣事見吳陳琰曠園雜志江南通志王士禎有采石太白樓觀蕭尺木畫壁歌云落帆向牛渚直上太白樓錦袍烏帽太瀟灑迴看四壁風颼颼蕭生何年畫此雪色壁峯巒出沒煙嵐稠元氣淋漓真宰妒江湖瀕洞蛟龍愁吳觀越觀上海日蒼煙九點橫齊州祝融諸峯配朱鳥瀟湘洞庭放遠遊峨嵋雪照巫峽水匡廬瀑下彭湖流須臾使我行萬里譬如怒隼凌清秋我生海隅近岱畎西遊曾上瞿塘舟昨登五老弄瀑布卻臨三峽窺龍湫七十二峯

身未到蒼梧已畧天南頭太白遊蹤徧四海晚愛青山采石聊淹留大
夫當為黃鵠舉下視燕雀徒啁啾

江南初入版圖有裨將於蕪湖掠一婦人義不受辱衣服上下縫紉周密
其夫訪而贖之不許婦悲憤投水死至晚泊舟舵前窻窻有聲則婦尸
在焉以篙逐之次日泊舟尸復至乃舁而棄之岸月餘裨將坐船頭忽
大叫曰婦又至矣自投水中死事見池北偶談及江南通志

周村有賈某貿易蕪湖獲重貲賃舟將歸見隄上有屠人縛犬倍價贖之
養養舟上舟人固積寇也窺客裝豐遽舟入莽操刀欲殺賈哀賜以全
屍盜乃殮裏置江中犬見之哀鳴投水口銜裏具與共浮沈流蕩不知
幾遠淺欄乃止犬泅出至有人處狺狺哀吠或以為異從之而往見殮
束水中引出斷其繩客固未死始言其情復哀舟人載還蕪湖將以伺
盜之歸登舟失犬心甚悼焉抵關三四日估楫如林而盜船不見適有

同鄉賈將攜俱歸忽犬自來望客嗚嗥喚之卻走客下舟趁之犬奔上一舟嚙人脛股撻之不解客近呵之則所嚙即前盜也衣服與舟皆易故不得而認之矣縛而搜之則囊金猶在嗚呼一犬也而報恩如是世無心肝者其亦愧此犬也夫今按蒲松齡聊齋誌異萊陽趙超果謂所載事蹟不盡無徵書經王士禎評騭互見於池北偶談者亦復不少此篇樸實紀事當非狐鬼傳類故錄之

留仙亭不知在何處嘉慶間有女子白真真者題詩於壁並綴序言序云何真秀育香徑劫厯昇年幼嗜弦歌長通湘快川韓王稱豔玉綢繆鼓求賢而佳實到羊字貞騷馬不逢李尉未許乘龍或識韓王尚堪綢繆鼓求賢良難斯言信矣遭家不造所求鳳之曲禮非似水身寄如萍茫茫江月空溼司馬之衫鬱鬱酒壚孰奏求鳳之曲禮非似水身寄如萍茫茫江月空飄零舉目悽斷有憾比詩於白蓮無言殊乎穠李者也靈巖山裏花甘委朱顏肝鬲之要託諸短什詩云吳門楊柳不藏雅看徧靈巖山裏花甘委朱紛紛遊冶子等閒認得碧尾上誰罾金焦佇立如雙戶不見七條江萬里流半鯉魚依淺藻不知華尾上誰罾金焦佇立如雙戶不見七條江萬里流若得踰金釵行十二更應誰早製阿侯繡不問燥礮事有無西風吹浪沒杵休怨金釵行十二更應誰早製阿侯繡不問燥礮事有無西風吹浪沒蒲孤誰憐江上懸帆客只為無郎吊小姑包慎伯過蕪見之為之手錄並為書後今包書真蹟尚藏於沈敬仲家云書後云嘉慶八年七月二

日僕買舟鳩茲之辭吸茗淨樂之室顧見壁罅墨痕初燥書態橫出
上華來波間鷗沒詢其守者曰維昨暮風日在林花光來去乃有女郎
紅皓腕金環寒香徹空書畢遂去莫知其踪僕省是言俯首太息反復
詩詞摩挲光澤蕪沒清門浮沈樂籍彭蠡指途金閭振翮憂散如葉義
明於霜哀豔不凡蹈節無方孤埋狐捐酸鼻回腸嗚呼白卿卿自吳來
我猶吳往天涯淪落今古同愴異於青蠅或逢倚棹卿當為我小紅
摘大白滿膏一傾知己之淚猶愈於青蠅或逢倚棹卿當為我小紅
傳觀並為書後又云玩序意所陳望之中丞時自戍返僑寄蕪湖聞余
天之名沈王皆誤以為夫婿也陳望之失路之詞既非兒女懷春亦非
言扶杖往觀吟詠反覆喟然曰此英雄購得白真真自寫小像攜至邛
詞人游戲後二年董晉卿自九江逆旅購得白真真自寫小像攜至邛
江見示則似世間真有此人附記卷尾
道光七年六月晦小倦遊閣居士書

蘇州顧杏園太守鴻達以部郎出守潯州自瓜州口浮江西上泊舟蠓磯
磯在蕪湖北岸無高岡遙望之一亂石堆耳相傳泊此者多不利故游
賈官客必越而過之太守之舟以日暮遇風不得已而泊焉是夜舟人
夢入廟見儀仗森嚴執事者奔走雜遝夫人翠羽明璫端肅高坐一古
衣冠狀如判官者前稟曰今夕泊舟之人將貽誤大局害數千百萬生

靈之命不如就此溺之以救無辜之民夫人笑曰汝意固善然此等大劫雖上帝亦祇聽其自然豈我輩所可挽回耶遽揮之出舟人驚醒太守竟無恙抵任視事不數月粵寇起事於金田其徒黨之被逮繫獄者顧承桂撫鄭夢白中丞意旨諭桂平令縱之後遂不可收拾

咸豐三年惠徵任蕪關道時慈禧皇太后尚在閨闈隨侍任所適粵寇犯

境倉卒出奔太后弱不能行邑人有王某者

莫知其名字葉錫工為潛坊蒸鍋最精性嗜酒人因

呼為王負之而趨遂免於難及入都應選正位西宮至文宗德宗兩朝

燒酒云垂簾聽政四十餘年而王某沈湎於酒佯狂里市不獲邀沐恩施亦數奇也